



Broj: 11/45- 18555/22
Sarajevo, 29.04.2022. godine

Na osnovu čl. 7., 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 23/03, 34/03 i 65/13), čl. 16., 18. i 21. Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, broj 37/21), čl. 2., 3., 4. i 6. Odluke o postupku, kriterijima za izbor i imenovanje, razlozima i procedurama za razriješenje i suspenziju Upravnog odbora, Nadzornog odbora i direktora Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, broj 45/21), Ministarstvo za odgoj i obrazovanje Kantona Sarajevo raspisuje

JAVNI OGLAS
za izbor i imenovanje predsjednika i članova Upravnog i Nadzornog odbora
Javne ustanove Institut za razvoj preduniverzitetskog obrazovanja Kantona Sarajevo

I

U Upravni odbor Javne ustanove Institut za razvoj preduniverzitetskog obrazovanja Kantona Sarajevo (u daljem tekstu: Institut), biraju se:

1. Predstavnik Ministarstva za odgoj i obrazovanje Kantona Sarajevo (u daljem tekstu: Ministarstvo) 1 predsjednik;
2. Predstavnik Ministarstva 2 člana;
3. Predstavnik radnika Instituta 1 član;
4. Predstavnik Ministarstva za nauku, visoko obrazovanje i mlade Kantona Sarajevo..... 1 član.

U Nadzorni odbor Instituta, biraju se:

1. Predstavnik Ministarstva 1 predsjednik;
2. Predstavnik stručnih radnika Instituta.....1 član;
3. Predstavnik Ministarstva za nauku, visoko obrazovanje i mlade Kantona Sarajevo..... 1 član.

II

Upravni odbor Instituta, pored poslova utvrđenih zakonom, obavlja i slijedeće poslove:

donosi Pravila, Pravilnik o radu i druge opće akte u skladu sa zakonom, utvrđuje Godišnji plan i program rada, imenuje i razrješava dužnosti direktora, donosi Finansijski plan i usvaja Godišnji obračun, odlučuje o korištenju sredstava preko iznosa utvrđenog Pravilima i zakonom, donosi Plan javnih nabavki, usvaja Izvještaj o radu i finansijskom poslovanju, odlučuje o promjeni unutrašnje organizacije, predlaže osnivaču promjene djelatnosti i statusne promjene, odlučuje o svim pitanjima obavljanja djelatnosti radi kojih je Ustanova osnovana, ako zakonom nije regulisano da o određenim pitanjima odlučuje neko drugi, rješava sva pitanja odnosa sa osnivačem, odlučuje o prigovoru radnika na rješenje kojim je drugi organ Instituta određen Pravilima odlučio o pravu, obavezi i odgovornosti radnika iz radnog odnosa i drugim pitanjima u skladu sa zakonom i Pravilima Instituta.

Nadzorni odbor Instituta, pored poslova utvrđenih zakonom, obavlja i slijedeće poslove:

analizira izvještaj o poslovanju Instituta, vrši nadzor nad upotrebom sredstava za rad, pregleda Godišnji izvještaj o poslovanju i godišnji obračun, pregleda i provjerava urednost i zakonitost vođenja poslovanja knjiga i izvještava osnivača, upravni odbor i direktorima o rezultatima nadzora.

III

Za predsjednika i člana Upravnog odbora/Nadzornog odbora u Institutu može biti nominovan/imenovan kandidat koji ispunjava slijedeće opće uvjete:

- a) da je stariji od 18 godina;
- b) da je državljanin Bosne i Hercegovine;
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije, da se na tog kandidata ne odnosi član IX 1. Ustava Bosne i Hercegovine,
- d) da nije osuđivan za krivično djelo i za privredni prestup nespojiv sa dužnošću u Upravnom odboru i Nadzornom odboru Instituta i da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine „Službeni glasnik BiH“, br. 16/02, 14/03, 12/04, 63/08 i 18/12).

Pored navedenih općih uvjeta, kandidat koji se nominuje/imenuje za poziciju predsjednika i člana Upravnog odbora/Nadzornog odbora Instituta treba da ispunjava i slijedeće posebne uvjete:

- a) da posjeduje univerzitetsku diplomu, odnosno da ima završen najmanje VII stepen stručne spremlje ili završen najmanje drugi ciklus bolonjskog visokoobrazovnog procesa;
- b) da ima najmanje 5 (pet) godina radnog staža nakon sticanja univerzitetske diplome;
- c) da kandidat nema privatni finansijski interes u Institutu u smislu Zakona o sukobu interesa u organima vlasti u Federaciji Bosne i Hercegovine;
- d) da kandidat nije direktor Instituta;
- e) da kandidat nije član više od jednog upravnog ili nadzornog odbora;
- f) da kandidat ima status radnika/stručnog radnika na neodređeno vrijeme u Institutu - za kandidate koji apliciraju ispred te strukture u Upravnom/Nadzornom odboru

IV

Predsjednika i članove Upravnog i Nadzornog odbora Instituta imenuje Vlada Kantona Sarajevo i to na način, tako što će se primijeniti kriteriji i na način da se od kandidata koji su se prijavili na Javni oglas:



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

- prijave kandidata za predsjednika i predstavnika Ministarstva prosljeđuju se Ministarstvu za odgoj i obrazovanje Kantona Sarajevo;
- prijave kandidata za predstavnika Ministarstva za nauku, visoko obrazovanje i mlade Kantona Sarajevo prosljeđuju se Ministarstvu za nauku, visoko obrazovanje i mlade Kantona Sarajevo,
- prijave kandidata za predstavnika radnika/stručnog radnika Instituta, prosljeđuju se Javnoj ustanovi Institut za razvoj preduniverzitetskog obrazovanja Kantona Sarajevo.

Sve informacije o toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

U postupku izbora, navedene strukture su obavezne primjenjivati kriterije koje je utvrdila Komisija. Navedene strukture obavljaju intervju sa svim kandidatima koji ispunjavaju uslove iz Javnog oglasa. Komisija prije dostavljanja prijava kandidata za predstavnike upravnog/nadzornog odbora Instituta, obavezna je obaviti intervju sa navedenim kandidatima, i Ministarstvima i Institutu dostaviti izvještaj sa intervju sa rang-listom kandidata.

Kandidati koje nakon intervju predlože strukture, koji kandiduju članove Upravnog i Nadzornog odbora, smatrat će se da su najuspješnije prošli otvorenu konkurenciju, a Vlada Kantona Sarajevo osigurat će da se izvrše i javno objave konačna imenovanja na pozicije u Upravnom i Nadzornom odboru.

Bilo koji kandidat ili bilo koja druga osoba, može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni zakonom. Prigovor se podnosi istovremeno Vladi Kantona Sarajevo i Ombdusmenu Bosne i Hercegovine.

V

Prijavljivanje se vrši putem prijavnog obrasca koji se može preuzeti u šalter-sali Kantona Sarajevo (ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo <http://www.mo.ks.gov.ba>.

Na istim mjestima se mogu preuzeti obrazac Izjave o ispunjavanju uvjeta (dokaz tačke III) i Obrazac za pitanja o eventualnom postojanju sukoba interesa.

Prijavu sa cjelokupnom traženom dokumentacijom kandidat treba dostaviti lično ili poštom preporučeno, na slijedeću adresu: Ministarstvo za odgoj i obrazovanje Kantona Sarajevo, ul. Reisa Džemaludina Čauševića br. 1 sa naznakom:

„Prijava na Javni oglas za izbor i imenovanje predsjednika i članova Upravnog i Nadzornog odbora Javne ustanove Institut za razvoj preduniverzitetskog obrazovanja Kantona Sarajevo čija konačna imenovanja vrši Vlada Kantona Sarajevo - ne otvarati, otvara Komisija“

Uz **prijavni obrazac**, kandidat treba priložiti:

1. biografiju,
2. univerzitetsku diplomu o završenom najmanje VII stepen stručne spreme ili završenom najmanje drugom ciklus bolonjskog visokoobrazovnog procesa (nostrifikovanu/priznatu diplomu, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine);
3. uvjerenje o državljanstvu (**ne starije od 6 mjeseci**);
4. potvrdu/uvjerenje o radnom stažu nakon sticanja univerzitetske diplome (potpisanu i ovjerenu od strane poslodavca);
5. potpisanu Izjavu o ispunjavanju uvjeta (dokaz tačke III), ovjerenu od strane nadležne općinske službe;
6. Obrazac za pitanja o eventualnom postojanju sukoba interesa;



7. Kandidat za predstavnika radnika/stručnog radnika dužan je dostaviti potvrdu ili uvjerenje kojom dokazuje da ima status radnika/stručnog radnika u Javnoj ustanovi Institut za razvoj preduniverzitetskog obrazovanja Kantona Sarajevo u čiji se upravni/nadzorni odbor kandidira;
8. Kandidat za predstavnika oba Ministarstva dužan je dostaviti potpisanu izjavu ovjerenu od strane nadležne općinske službe kojom dokazuje da nema status radnika/stručnog radnika Javne ustanove Institut za razvoj preduniverzitetskog obrazovanja Kantona Sarajevo.

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Dokumentacija dostavljena na Javni oglas se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi, smatrat će se da nije dostavio potpunu dokumentaciju.

Predsjednik i članovi Upravnog i Nadzornog odbora imenuju se na period od 4 godine sa mogućnošću jednog reizbora.

Javni oglas će biti objavljen u dnevnom listu „Dnevni Avaz“ i „Službenim novinama Federacije Bosne i Hercegovine“. Javni oglas ostaje otvoren petnaest (15) dana od dana posljednjeg javnog objavljivanja.

Nepotpune i neblagovremene prijave neće biti razmatrane.

Napomena: Tekst Javnog oglasa je dostupan i na web stranici: www.mo.ks.gov.ba

Procedura obrade aplikacija i objedinjavanja prijedloga provest će se u skladu sa čl. 2., 3., 4. i 6. Odluke o postupku, kriterijima za izbor i imenovanje, razlozima i procedurama za razriješenje i suspenziju Upravnog odbora, Nadzornog odbora i direktora Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, br. 45/21) Svi kandidati koji ispunjavaju uvjete Javnog oglasa bit će pozvani na intervju u skladu sa propisanim procedurama. Konačno imenovanje upravnog i nadzornog odbora vrši Vlada Kantona Sarajevo, za koju su obavezujući prijedlozi kandidata iz relevantnih struktura.

Ministrica

Naida Hota-Muminović, s.r.